

薩摩訶薩所住普賢行十大三昧輪

大乘

大方廣佛華嚴經卷第四十三 直三

替心計羸朽方追反跋難上蒲山疑冥力馭音御
霆之威力臂垂業縉縠上疾陵反
下吉指反

大方廣佛華嚴經卷第四十四

直四

于闐國三藏沙門實叉難陀譯

十通品第二十八

余時有賢善薩摩訶薩告諸菩薩言佛子善
薩摩訶薩有十種通何者爲十佛子菩薩摩
訶薩以他心智通知一二十大千世界衆生
心差別所謂善心不善心廣心狹心大心小
心順生死心背生死心聲聞心獨覺心菩薩
心聲聞行心獨覺行心菩薩行心天心龍心
夜叉心乾闥婆心阿脩羅心迦樓羅心緊那
羅心摩睺羅伽心人心非人心地獄心畜生
心閻魔王處心餓鬼心諸難處衆生心如是

等無量差別種種衆生心悉分別知如一世
界如是百世界千世界百千世界百千億那
由他世界乃至不可說不可說佛刹微塵數
世界中所有衆生心悉分別知是名菩薩摩
訶薩第一善知他心智神通佛子菩薩摩訶
薩以無礙清淨天眼智遍見無量不可說不
可說佛刹微塵數世界中衆生死此生彼苦
趣惡趣福相罪相或好或醜或垢或淨如是
品類無量衆生所謂天衆能衆夜叉衆乾闥
婆衆阿脩羅衆迦樓羅衆緊那羅衆摩睺羅
伽衆人衆非人衆微細身衆生眾廣大身衆
生衆小衆大衆如是種種衆生衆中以無礙
眼悉皆明見隨所積集業隨所受苦樂隨心
隨分別隨見隨言說隨因緣隨所緣隨所起
悉皆見之無有錯謬是名菩薩摩訶薩第二
無礙天眼智神通佛子菩薩摩訶薩以宿住
隨念智通能知自身及不可說不可說佛刹
微塵數世界中一切衆生過去不可說不可

說佛刹微塵數劫宿住之事所謂某處生如是名如是姓如是種族如是飲食如是苦樂從無始來於諸有中以因以緣展轉滋長次第相續輪迴不絕種種品類種種國土種種趣生種種形相種種業行種種結使種種心念種種因緣受生差別如是等事皆悉了知

又憶過去今所佛刹微塵數劫今所佛刹微塵數世界中有今所佛刹微塵數諸佛一一佛如是名号如是出興如是衆會如是父母如是侍者如是聲聞如是最勝二大弟子於如是城邑如是出家復於如是菩提樹下成最正覺於如是處坐如是座演說如是若干

育四

二

經典如是利益今所衆生於今所時住於壽命施作如是若干佛事依無餘然般涅槃界而般涅槃般涅槃後法住久近如是一切悉能憶念又憶念不可說不可說佛刹微塵數諸佛名号一一名号有不可說不可說佛刹微塵數諸佛如來一一如來微塵數佛從初發心起願修行供養諸佛調

伏衆生衆會說法壽命多少神通變化乃至入於無餘涅槃般涅槃後法住久近造立塔廟種種莊嚴令諸衆生種植善根皆悉能知是名菩薩摩訶薩第三知過去際劫宿住智神通佛子菩薩摩訶薩以知盡未來際劫智通知不可說不可說佛刹微塵數世界中所

有劫一一劫中所有衆生命終受生諸有相續業行果報若善善不善若出離若不出離若決定若不決定若邪定若正定若善根與使俱若善根不與使俱若具足善根若不具足善根若攝取善根若不攝取善根若積集善根若不積集善根若積集罪法若不積集罪法如是一切皆能了知又知不可說不可說佛刹微塵數世界盡未來際有不可說不可說佛刹微塵數劫一一劫有不可說不可說佛刹微塵數諸佛名号一一名号有不可說不可說佛刹微塵數諸佛如來一一如來從初發心起願立行供養諸佛教化衆生衆

育四

三

會說法壽命多少神通變化乃至入於無餘涅槃般涅槃後法住久近造立塔廟種種莊嚴令諸衆生種植善根如是等事悉能了知是名菩薩摩訶薩第四知盡未來際劫智神通佛子菩薩摩訶薩成就無礙清淨天耳圓滿廣大聽徹離障了達無礙具足成就於諸一切所有音聲欲聞不聞隨意自在佛子東方有不可說不可說佛刹微塵數佛是諸佛所說所示所開所演所安立所教化所謂伏所憶念所分別甚深廣大種種差別無量方便無量善巧清淨之法於彼一切皆能受持又於其中若義若文若一人若衆會如其音辭如其智慧如所了達如所示現如所調伏如其境界如其所依如其出道於彼一切悉能記持不忘不失不斷不退無迷無惑爲他演說令得悟解終不忘失一文一句如東方南西北方四維上下亦復如是是名菩薩摩訶薩第五無礙清淨天耳智神通佛子菩薩

摩訶薩住無體性神通無作神通平等神通廣大神通無量神通無依神通隨念神通起神通不起神通不退神通不斷神通不壞神通增長神通道詣神通此菩薩聞極遠一切世界中諸佛名所謂無數世界無量世界乃至不可說不可說佛刹微塵數世界中諸佛名聞其名已即自見身在彼佛所然諸世界或仰或覆各各形狀各各方所各各差別無邊無礙種種國土種種時劫無量功德各別莊嚴彼彼如來於中出現示現神變稱揚名號無量無數各各不同此菩薩一得聞彼諸如來名不動本處而見其身在彼佛所禮拜尊重承事供養問菩薩法入佛智慧悉能了達諸佛國土道場衆會及所說法至於究竟無所取著如是經不可說不可說佛刹微塵數劫普至十方而無所往然詣刹觀佛聽法請道無有斷絕無有廢捨無有休息無有疲厭修菩薩行成就大願為令具足曾無退轉

為今如來廣大種性不斷絕故是名菩薩摩訶薩第六住無體性無動作用一切佛刹智神通佛子竟薩摩訶薩以善分別一切衆生言音智通知不可說不可說佛刹微塵數世界中衆生種種言辭所謂聖言辭非聖言辭天言辭龍言辭夜又言辭乾闢婆阿脩羅迦樓羅緊那羅摩睺羅伽人及非人乃至不可說不可說衆生所有言辭各各表示種種差別如是一切皆能了知此菩薩隨所入世界能知其中一切衆生所有性欲如其性欲爲言辭悉令解了無有疑惑如日光出現普照衆色全有目者悉得明見菩薩摩訶薩亦復如是以善分別一切言辭智深入一切言辭雲所有言辭令諸世間聰慧之者悉得解了是名菩薩摩訶薩第七善分別一切言辭智神通佛子竟薩摩訶薩以出生無量阿僧祇身莊嚴智通知一切法遠離色相無差別相無種種相無無量相無分別相無青黃

赤白相奇薩如是入於法界能現其身作種種色所謂無邊色無量色清淨色莊嚴色普偏色無比色普照色增上色無違逆色具諸相色蘊衆惡色大威力色可尊重色無窮盡色衆雜妙色極端嚴色不可量色善守護色能成熟色隨化者色無障礙色甚明徹色無垢色極澄淨色大勇健色不思議方便色不可壞色蘊般醫色無障閻色善安住色妙莊嚴色諸相端嚴色種種隨好色大尊貴色妙境界色善磨瑩色清淨深心色熾然明盛色最勝廣大色無間斷色無所依色無等化色充滿不可說佛刹色增長色堅固攝受色

育田

王

最勝功德色隨諸心樂色清淨解了色積集衆妙色善巧浹定色無有障礙色虛空明淨色清淨可樂色離諸塵垢色不可稱量色妙見色普見色隨時示現色寂靜色蘊貪色真實福田色能作安隱色離諸怖畏色蘊愚癡行色智慧色離色身相無礙色遊行普偏色

心無所依色大悲所起色大悲所現色平等
出離色具足福德色隨心憶念色無邊妙寶
色寶藏光明色衆生信樂色一切智現前色
歡喜眼色衆寶莊嚴第一色無有處所色
自在示現色種種神通色生如來家色過諸
辟喻色周徧法界色衆皆往詣色種種色成

就色出離色隨所化者威儀色見無狀足色
種種明淨色能放無數光網色不可說光明
種種差別色不可思香光明超過三界色不
可量日輪光明照耀色示現無比月身色無
量可愛樂華雲色出生種種蓮華鬢雲莊嚴
色超過一切世間香燄普黑色出生一切如
來藏色不可說音聲開示演物一切法色具
足一切普賢行色佛子菩薩深入如意令所化者
見是無色法界能現此等種種色身令所化者
時隨所化者相令所化者親近令所化者開
悟爲所化者起種種神通爲所化者現種種

自在爲所化者施種種能事是名菩薩摩訶
薩爲度一切衆生故勤修成就第八無數色
身智神通佛子菩薩摩訶薩以一切法智通
知一切法無有名字無有種性無來無去非
異非不異非種種非不種種非二非不二無
我無比不生不滅不動不壞無實無虛一相

六

無相非無非有非法非非法不隨於俗非不
隨俗非業非業非報非報非報非有爲非無
爲非第一義非不第一義非道非道非出
離非不出離非量非無量非世間非出世間
非從因生非不從因生非決定非不決定非
成就非不成就非出非不出非分別非不分
別非如理非不如理此菩薩不取世俗諦不足
住第一義不分別諸法不建立文字隨順寂
成性不捨一切願見義知法興布法雲降雲
法雨雖知實相不可言說而以方便無盡辭
才隨法隨義次第開演以於諸法言辭辯說
皆得善巧大慈大悲悉已清淨能於一切離

文字法中出生文字與法與義隨順無違爲說諸法悉從緣起雖有言說而無所著演一切法辯才無盡分別安立開發示導令諸法性具足明顯斷衆疑網悉得清淨雖攝衆生不捨真實於不二法而無退轉常能演說無礙法門以衆妙音隨衆生心普雨法雨而不

失時是名菩薩摩訶薩第九一切法智神通佛子菩薩摩訶薩以一切法滅盡三昧智通於念念中入一切法滅盡三昧亦不退菩薩道不捨菩薩事不捨大慈大悲心修習波羅蜜未嘗休息觀察一切佛國土無有厭倦不捨度衆生願不斷轉法輪事不廢教化衆生業不捨供養諸佛行不捨一切法自在門不捨常見一切佛不捨常聞一切法知一切法平等無礙自在成就一切佛法所有勝願皆得圓滿了知一切國上差別入佛種性到於彼岸能於彼諸世界中學一切法了法無相知一切法皆從緣起無有體性然隨世俗

方便演說雖於諸法心無所住然順衆生諸根欲樂方便爲說種種諸法此菩薩住三昧時隨其心樂或住一劫或住百劫或住千劫或住億劫或住百億劫或住千億劫或住百千億劫或住那由他億劫或住百那由他億劫或住千那由他億劫或住百千那由他億劫或住無數劫或住無量劫乃至或住不可說不可說劫菩薩入此一切法滅盡三昧雖復經於余所劫住而身不離散不羸瘦不變異非見非不見不滅不壞不疲不懈不可盡竭雖於有於無悉無所作而能成辦諸菩薩事所謂恒不捨離一切衆生教化調伏未曾失時令其增長一切佛法於菩薩行悉得圓滿爲欲利益一切衆生神通變化無有休息譬如光影普現一切而於三昧寂然不動是爲菩薩摩訶薩入一切法滅盡三昧智神通佛子菩薩摩訶薩住於如是十種神通一切天人不能思議一切衆生不能思議一切聲

聞一切獨覺及餘一切諸菩薩衆如是皆悉不能思議此菩薩身業不可思議語業不可思議意業不可思議三昧自在不可思議智慧境界不可思議唯除諸佛及有得此神通菩薩餘無能說此人功德稱揚讚歎佛子是為菩薩摩訶薩十種神通若菩薩摩訶薩住此神通悉得一切三世無礙智神通

大方廣佛華嚴經十忍品第二十九

爾時普賢菩薩告諸菩薩言佛子菩薩摩訶薩有十種忍若得此忍則得到於一切菩薩無礙忍地一切佛法無礙無盡何者為十所謂音聲忍順忍無生法忍如幻忍如夢忍如響忍如影忍如化忍如空忍此十種忍三世諸佛已說今說當說佛子云何為菩薩摩訶薩音聲忍謂聞諸佛所說之法不驚不怖不畏深信悟解愛樂趣向專心憶念修習安住是名菩薩摩訶薩第一音聲忍佛子云何為菩薩摩訶薩順忍謂於諸法思惟

觀察平等無違隨順了知令心清淨正住修習趣入成就是名菩薩摩訶薩第二順忍佛子云何為菩薩摩訶薩無生法忍佛子此菩薩摩訶薩不見有少法生亦不見有少法滅何以故若無生則無滅若無滅則無盡若無盡則離垢若離垢則無差別若無差別則無處所若無處所則寂靜若寂靜則離欲若離欲則無作若無作則無願若無願則無注若無住則無去無來是名菩薩摩訶薩第三無生法忍佛子云何為菩薩摩訶薩如幻忍佛子此菩薩摩訶薩知一切法皆悉如幻從因緣起於一法中解多法於多法中解一法此菩薩知諸法如幻已了達國土了達衆生了達法界了達世間平等了達佛出現平等了達三世平等成就種種神通變化譬如幻非鳥非馬非車非步非男非女非童男非童女非樹非葉非華非果非地非水非火非風非晝非夜非日非月非半月非一月非一年非百

年非一劫非多劫非定非亂非純非雜非一
非異非廣非狹非多非少非量非無量非龐
非細非是一切種種衆物種種非幻非種
種然由幻故示現種種差別之事。菩薩摩訶
薩亦復如是觀一切世間如幻所謂業世間
煩惱世間國土世間法世間時世間趣世間
成世間壞世間運動世間造作世間菩薩摩
訶薩觀一切世間如幻時不見衆生生不見
衆生滅不見國上生不見國下滅不見諸法
生不見諸法滅不見過去可分別不見未來
有起作不見現在一念住不觀察菩提不分
別菩提不見佛出現不見佛涅槃不見住大
願不見入正位不出平等性是菩薩難成就
佛國土知國土無差別雖成就衆生界知衆
生無差別雖普觀法界而安住法性寂然不
動雖達三世平等而不違分別三世法雖成
就蘊處而永斷所依雖度脫衆生而了知法
界平等無種種差別雖知一切法遠離文字

不可言說而常說法辯才無盡雖不取善化
衆生事而不捨大悲為度一切轉於法輪雖
為開示過吉因緣而知因緣性無有動轉是
名菩薩摩訶薩第四如幻忍佛子云何為菩
薩摩訶薩如燄忍佛子此菩薩摩訶薩知一
切世間同於陽燄辟如陽燄無有方所非內
非外非有非無非斷非常非一色非種種色
亦非無色但隨世間言說顯示菩薩如是如
實觀察了知諸法現證一切令得圓滿是名
菩薩摩訶薩第五如燄忍佛子云何為菩薩
摩訶薩如夢忍佛子此菩薩摩訶薩知一切
世間如夢辟如夢非世間非離世間非欲界
非色界非無色界非生非沒非染非淨而有
示現菩薩摩訶薩亦復如是知一切世間悉
同於夢無有變異故如夢自性故如夢熟著
故如夢性離故如夢本性故如夢所現故如
夢無差別故如夢想分別故如夢覺時故是
名菩薩摩訶薩第六如夢忍佛子云何為菩

薩摩訶薩如是忍佛子此壹性摩訶薩聞佛說法觀諸法性修學成就到於彼岸知一切音聲悉同於響無來無去如是示現佛子此壹薩摩訶薩觀如來聲不從內出不從外出亦不從於內外而出雖了此聲非內非外非內外出而能示現善巧名句成就演說辭如谷譽從錄所起而與法性無有相違令諸衆生隨類各解而得修學如帝釋夫人阿脩羅女名曰舍支於一音中出千種音亦不心念令如是出菩薩摩訶薩亦復如是入無分別界成就善巧隨類之音於無邊世界中恒轉法輪此壹薩善能觀察一切衆生以廣長舌相而爲演說其聲無礙徧十方土令隨所宜聞法各異難知聲無起而普現音聲雖知無所說而廣說諸法妙音平等隨類各解悉以智悉而能了達是名壹薩摩訶薩第七如響忍佛子云何爲菩薩摩訶薩如影忍佛子此壹薩摩訶薩非於世間生非於世間沒非在

世間內非在世間外非行於世間非不行世間非同於世間非異於世間非往於世間非不往世間非住於世間非不住世間非是世間非出世間非修善薩行非捨於大願非實非不實雖常行一切佛法而能辦一切世間事不隨世間流亦不住法流辭如日月男于女人舍宅山林河泉等物於油於水於身於寶於明鏡等清淨物中而現其影影與油等非一非異非離非合於川流中亦不漂度於池井內亦不沉沒雖現其中無所染著然諸衆生知於此處有是影現亦知彼處無如是影遠物近物雖皆影現影不隨物而有近遠壹薩摩訶薩亦復如是能知自身及以他身一切皆是智之境界不作二解謂自他別而於自國土於他國土各各差別一時普現如種子中無有根芽莖節枝葉而能生起如是等事壹薩摩訶薩亦復如是於無二法中分別二相善巧方便通達無礙是名壹薩摩訶

薩第八如影忍菩薩摩訶薩成就此忍雖不往詣十方國土而能普現一切佛刹亦不離此亦不到彼如影普現所行無礙今諸衆生見差別身同於世間堅實之相然此差別即非差別別與不別無所障礙此菩薩從於如來種性而生身語及意清淨無礙故能獲得

無邊色相清淨之身佛子云何爲菩薩摩訶薩如化忍佛子此菩薩摩訶薩知一切世間皆悉如化所謂一切衆生意業化覺想所起故一切世間諸行化分別所起故一切苦樂顛倒化妄取所起故一切世間不實法化言說所現故一切煩惱分別化想念所起故復有清淨調伏化無分別所現故於三世不轉化無生平等故菩薩願力化廣大修行故如來大悲化方便示現故轉法輪方便化智慧無畏辯才所說故菩薩如是了知世間出世間化現證知廣大知無邊知如意知自在知真實知非虛妄見所能傾動隨世所行亦不

失壞辟如化不從心起不從心法起不從業起不受累報非世間生非世間滅不可隨逐不可攬觸非久住非須臾住非行世間非離世間不專繫一方不普屬諸方非有量非無量不歇不息非不歇息非凡非聖非染非淨非生非死非智非愚非見非不見非依世間非

音四

十二

入法界非黠慧非遲鈍非取非不取非生死非涅槃非有非無有菩薩如是善巧方便行於世間修菩薩道」知世法分身化住不著世間不取自身於世於身無所分別不住世間不離世間不住於法不離於法以本願故不棄捨一衆生界不調伏少衆生界不分別法非不分別知諸法性無來無去雖無所有而滿足佛法了法如化非有非無佛子菩薩摩訶薩如是安住如化忍解悉能滿足一切諸佛菩提之道利益衆生是名菩薩摩訶薩第九如化忍菩薩摩訶薩成就此忍凡有所作悉同於化辭如化士於一切佛刹無所依住於一

一切世間無所取著於一切佛法不生分別而趣佛菩提無有懈倦修菩薩行雖諸顛倒雖無有身而現一切身雖無所往而住衆國土雖無有色而普現衆色雖不著實際而明照法性平等圓滿佛子此菩薩摩訶薩於一切法無所依止名解脫者一切過失悉皆捨離名調伏者不動不轉普入一切如來衆會名神通者於無生法已得善巧名無退者具一切力須弥鐵圍不能爲障名無礙者佛子云何爲菩薩摩訶薩如空忍佛子此菩薩摩訶薩了一切法界猶如虛空以無起故一切世間諸法如虛空以無起故一切法猶如虛空以無二故一切衆生行猶如虛空無所行故一切佛猶如虛空無分別故一切佛力猶如虛空無差別故一切禪定猶如虛空三界平等故所說一切法猶如虛空不可言說故一切佛身猶如虛空無著無礙故菩薩如是以如虛空方便了一切法皆無所有佛子菩薩摩

訶薩以如虛空忍智了一切法時得如虛空身身業得如虛空語語業得如虛空意意業許如虛空一切法依不生不歿菩薩摩訶薩亦復如是一切法身不生不歿譬如虛空不可破壞菩薩摩訶薩亦復如是智慧諸力不可破壞譬如虛空一切世間之所依止而無所依菩薩摩訶薩亦復如是一切諸法之所依止而無所依譬如虛空無生無滅能持一切世間生滅菩薩摩訶薩亦復如是無向無得能示尚得普使世間修行清淨譬如虛空無方無隅而能顯現無邊方隅菩薩摩訶薩亦復如是無業無報而能顯示種種業報譬如虛空非行非住而能示現種種威儀菩薩摩訶薩亦復如非非行非住而能分別一切諸行譬如虛空非色非非色而能示現種種諸色菩薩摩訶薩亦復如是非世間色非出世間色而能示現一切諸色譬如虛空非久非近而能久住現一切物菩薩摩訶薩亦復

如是非久非近而能久住顯示菩薩所行諸行臂如虛空非淨非穢不離淨穢菩薩摩訶薩亦復如是非障非無障不離障無障臂如虛空一切世間皆現其前非現一切世間之前菩薩摩訶薩亦復如是一切諸法皆現其前非現一切諸法之前臂如虛空普入一切

而無邊際菩薩摩訶薩亦復如是普入諸法而菩薩心無有邊際何以故菩薩所作如虛空故諸所有修習所有嚴淨所有成就皆悉平等一體一味一種分量如虛空清淨編一切處如是證知一切諸法於一切法無有分別嚴淨一切諸佛國上圓滿一切無所依身

十四

十五

了一切方無有迷惑具一切力不可摧壞滿足一切無邊功德已到一切甚深法處通達一切波羅蜜道普坐一切金剛之座普發一功德隨類之音為一切世間轉於法輪未曾失時是名菩薩摩訶薩第十如空刃^{十六}菩薩摩訶薩成就此忍得無來身以無去故得無生身

以無滅故得無動身以無壞故得不貫身離虛妄故得一相身以無相故得無量身佛力無量故得平等身同如相故得無差別身等觀三世故得至一切處身淨眼等照無障礙故得離欲際身知一切法無合散故得虛空無邊際身福德藏無盡如虛空故得無斷無

盡法性平等辯才身知一切法相唯是一相無性為性如虛空故得無量無礙音聲身無所障礙如虛空故得具足一切善巧清淨菩薩行身於一切處皆無障礙如虛空故得一切佛法海次第相續身不可斷絕如虛空故得一切佛刹中現無量佛刹身離諸貪著如虛空無邊故得示現一切自在法無休息身如虛空大海無邊際故得一切不可壞堅固勢力身如虛空任持一切世間故得諸根明利如金剛堅固不可壞身如虛空一切劫火不能燒故得持一切世間力身智慧力如虛空故佛子是名菩薩摩訶薩千種忍爾時菩

育

賢菩薩摩訶薩欲重宣其義而說頌言

辭如世有人聞有寶藏處以其可得故
心生大歡喜如是大智慧菩薩真佛子
聽聞諸佛法甚深寂滅相聞此深法時
其心得安隱不驚亦不怖亦不生恐畏
大士求菩提聞斯廣大音心淨能堪忍
於此無疑惑自念以聞此甚深微妙法
當成一切智人天大導師其心大歡喜
發生堅固意願求諸佛法以樂菩提故
其心漸調伏是故聞此音令信益增長
於法無違謗是故聞此音其心得堪忍
安住而不動修行菩薩行爲求菩提故
專行向彼道精進無退轉不捨衆善轉
以求菩提故其心無怨畏聞法增勇猛
供佛令歡喜如有大福人獲得真金藏
隨身所應服造作莊嚴具菩薩亦如是
聞此甚深義思惟增智海以修隨順法
法有亦順知法無亦順知隨彼法如是

如是知諸法成就清淨心明徹大歡喜
知法從緣起勇猛勤修習平等觀諸法
了知其自性不違佛法藏普覺一切法
志樂常堅固嚴淨佛菩提不動如須弥
一心來正覺以發精進意復修三昧道
無量劫勤行未曾有退失菩薩所入法
是佛所行處於此能了知其心無厭怠
如無等所說平等觀諸法非不平等忍
能成平等智隨順佛所說成就此忍門
如法而了知亦不分別法三十三天中
所有諸天子共同一器食亦不分別法
成就此忍門三十三天中所食各不同
菩薩所食種種食不從十方來如其所修業
自然咸在器菩薩亦如是觀察一切法
悉從因緣起無生故無滅無滅故無盡
無盡故無染於世變異法了知無變異
無異則無處無處則寂滅其心無染著
願度諸群生專念於佛法未嘗有散動
方便行於世勤求於十力

處世而不住 無去亦無來 方便善說法
此忍最爲上 了法無有盡 入於真法界
實亦無所入 苦薩住此忍 普見諸如來
同時與授記 斯名受佛職 了達三世法
寂滅清淨相 而能化衆生 置於善道中
世間種種法 一切皆如幻 若能如是知
其心無所動 諸業從心生 故說心如幻
若離此分別 普滅諸有趣 辭如工幻師
普現諸色像 徒令衆貪樂 畢竟無所得
世間亦如是 一切皆如幻 無性亦無生
示現有種種 度脫諸衆生 令知法如幻
衆生不異幻 了幻無衆生 衆生及國土
三世所有法 婦是悉無餘 皆爲想所覆
幻作男女形 及鳥馬牛羊 出間如陽燄
園林華果等 幻物無知覺 遠離三顛倒
畢竟寂滅相 但隨分別現 以想有差別
普見諸世間 有無一切法 知出住於想
衆生及國土 種種業所造 異趣皆無有
種種業所造 一切皆如幻 出見謂爲水
衆生不異幻 入於如幻際 水實無所有
衆生及國土 一切皆如幻 若離於諸想
衆生及國土 一切皆如幻 亦離諸戲論
衆生及國土 一切皆如幻 悉今得解脫
衆生及國土 一切皆如夢 除滅世間想
衆生及國土 一切皆如夢 是菩薩方便
衆生及國土 一切皆如夢 非處非無處
衆生及國土 一切悉如是 除滅世間想
衆生及國土 一切悉如是 是菩薩方便
衆生及國土 一切悉如是 體性常寂滅
衆生及國土 一切悉如是 三世諸世間

於彼無依著 如是得善巧 寂滅無戲論
住於無礙地 普現大威力 勇猛諸佛子
隨順入妙法 善觀一切想 繩網於世間
衆想如陽燄 令衆生倒解 善薩善知想
捨離一切倒 衆生各別異 形類非一種
了達皆是想 一切無真實 十方諸衆生
皆爲想所覆 若捨顛倒見 則滅世間想
世間如陽燄 以想有差別 知出住於想
遠離三顛倒 辭如熱時燄 出見謂爲水
水實無所有 菩薩不應求 衆生亦復然
水實無所有 若離於諸想 亦離諸戲論
若離於諸想 悉今得解脫 悉今得解脫
亦無有住處 是菩薩方便 除滅世間想
菩薩能如是 除滅世間想 除滅世間想
了達悉如幻 除滅世間想 除滅世間想
了達悉如幻 除滅世間想 除滅世間想
見者心解脫 除滅世間想 除滅世間想
夢不在世間 除滅世間想 除滅世間想

如響編世間了知言語道
知聲性空寂以世言音說
亦同分別法其音悉周佈
菩薩獲此忍淨音化世間
於世無所著爲欽利世間
而常入法性於彼無分別
百四

寂滅無體性而慎為銳益
不生於世間不離於世間
依處不可得了知世間性
雖不依世間悉知其自性
心不離世間化世令超度
了法無有二亦不生世間
修行意不動於世無所依
化世間所有法於性無染著
了法無有二亦無著世間
非於世間外非於世間外
修行一切智譬如水中影
菩薩求善提了非非世間
以世不可說亦不在内外
入此甚深義離垢志明徹
普照智慧燈世間無邊際
普化諸群生令其捨眾苦
具足音聲分開悟諸群生
如世所有音善巧說三世
車音乘菩提普觀諸世間
了知言語道其音悉周佈
知聲性空寂以世言音說
亦同分別法其音悉周佈
菩薩獲此忍淨音化世間
於世無所著爲欽利世間
而常入法性於彼無分別
百五

十八

利益群生衆
竟薩薩覲諸法
畢竟永不捨
一切法如化
及以無量業
三世所有錦
變化成如來
度脫亦如化
不分別世間
修習菩提行
如業依世間
此二俱寂滅
化性印世間
第十忍明觀
如空無處所
如空無種種
如空無真盡
虛空無體性

從此入於智
隨順化自性
平等悉如化
一切亦如化
佛以大慈悲
度脫化衆生
化力爲說法
化事種種殊
莊嚴於化藏
化法離分別
薩薩行如是
化海了於曾
智慧亦如是
衆生及諸法
獲比如空智
於世無所礙
不作空分別
亦復非斷滅

從此入於智
隨順化自性
平等悉如化
一切亦如化
度脫化衆生
知世皆如化
皆由業差別
無量善莊嚴
亦不分別法
化海了於曾
智慧亦如是
衆生及諸法
體性皆寂滅
成就空忍力
不作空分別
亦無種種別

智力亦如是
其量不可得
薩薩智亦然
如是觀法性
一切如虛空
復爲衆生說
降伏一切魔
入於無相處
諸相悉平等
唯以一方便
普入衆世間
謂知三世法
智慧與音聲
一切皆寂滅
其心善安住
成就廣大力
通達此忍門
所修廣大行
乃能分別知
捨我而修行
入於深法性
心常住淨法
尚可知其數
衆生及刹塵
無能度其限
薩薩能成就
如是十種忍

虛空無初際
亦復無中後
薩薩智亦然
如是觀法性
無生亦無滅
薩薩之所得
無生亦無滅
薩薩之所得
降伏一切魔
諸相悉平等
唯以一方便
普入衆世間
謂知三世法
智慧與音聲
及以薩薩身
如是十種忍
佛子所修行
廣爲衆生說
於此善修學
法力及智力
爲菩提方便
成就無礙智
超過一切衆
轉於無上輪
所修廣大行
其量不可得
捨我而修行
入於深法性
心常住淨法
以是施群生
衆生及刹塵
無能度其限
薩薩能成就
如是十種忍

大方廣佛華嚴經卷第四十四

育四

或醜九切瑕羽下胡加切降霆下之羸瘦上方之由
攬觸上原黠慧下何善範下於所支切

千末

大方廣佛華嚴經卷第四十五

重

于闐國三歲沙門實叉難陀譯

阿僧祇品第三十

尔時心王菩薩白佛言世尊諸佛如來演說
阿僧祇無量無邊無等不可數不可稱不可思
不可量不可說不可說出尊云何
阿僧祇乃至不可說不可說耶佛告心王菩
薩言善哉善哉善男子汝今爲欲令諸世間
入佛所知數量之義而問如來應正等覺善
男子諦聽諦聽善思念之當爲汝說時心王
菩薩唯然受教佛言善男子一百洛又爲一
俱胝俱胝俱胝爲一阿庾多阿庾多一

普摩爲一彌摩彌摩彌摩爲一阿婆上鈴阿
婆鈴阿婆鈴爲一彌伽上婆彌伽婆彌伽婆
爲一毗羅伽毗羅伽毗羅伽爲一毗伽上婆
毗伽婆毗伽婆爲一僧羯邏摩僧羯邏摩僧
羯邏摩爲一毗薩羅毗薩羅毗薩羅爲一毗
瞻婆毗瞻婆毗瞻婆爲一毗盛伽毗盛伽毗
盛伽爲一毗素陀毗素陀毗素陀爲一毗婆
訶毗婆訶毗婆訶爲一毗薄底毗薄底毗薄
底爲一毗佉捨佉佉捨佉佉捨爲一稱量稱
量稱量爲一一持一持一持爲一異路異路
異路爲一顛倒顛倒顛倒爲一三末耶三末
耶三末耶爲一毗覩羅毗覩羅毗覩羅爲一